

UPM dominasi olahraga

» Raih 10 pingat emas, sasar lagi dua

Oleh Mohd Fitrie Muhamad
mfitrie@bharian.com.my

► Kuala Lumpur

Dominasi Universiti Putra Malaysia (UPM) dalam sukan olahraga cukup sular ditandingi pasukan lain apabila melengkapkan koleksi emas ketiga pada acara 4X100 meter lelaki Sukan Institusi Pengajian Tinggi (SUKIPT) di Stadium Mini Majlis Sukan Negara (MSN), Bukit Jalil semalam.

Pada persaingan akhir, kuartet dianggotai S Kannan, Zabidi Ahmad, Mohamad Rohaizad Jamil dan Jad Adrian Washif terlebih dulu melintasi garisan penamat dengan merekodkan masa terpanjang, 42.03 saat.

Gandingan tiga beradik, Mohamad Arif Zulhilmi Alet, Mohamad Adib Zulhusmi Alet, Mohamad Afif Zulhusmi Alet bersama Zulfiqar Nallen Abdullah yang mewakili Universiti Teknologi Mara (UiTM) pula mencatatkan 42.52s di tempat kedua.

Tempat ketiga dimenangi Universiti Malaysia Perlis (UNIMAP) menerusi Mohamad Aizad Mohd Mokhtar, Mohd Shamimi Azmi,



Kuartet UPM dari kiri; Jad Adrian Washif, Rohaizad Jamil, S Kannan dan Zabidi Ahmad **memenangi pingat emas acara 4x100m akhir, semalam.** [FOTO GOH THEAN HOWE/ BH]

Mohamad Latif Nyat dan Mohamad Isa Ahmad Azan dengan masa 43.41s.

Berlatih berasingan

“Kami beraksi bersama sejak 2008 tetapi kali ini kami terpaksa berlatih secara berasingan dan hanya dikumpulkan selama dua minggu sebelum SUKIPT berlangsung.

“Walaupun jarang berlatih bersama, namun kami menaruh keyakinan tinggi memenangi

pingat emas kali ini,” kata Kannan yang juga ketua pasukan bagi kuartet emas UPM.

Norjannah terus raih emas

Dalam saingan wanita, UNIMAP diketuai pelari kebangsaan, Norjannah Hafiszah Jamaludin dinobatkan sebagai juara apabila mengetepikan UPM di tempat kedua.

Norjannah bersama Nurul Faizah Asma Mazlan, Raja Nursheena Raja Azhar dan Nor Atikah

Awang mencatatkan masa 48.47s mengatasi catatan 49.72s kuartet UPM, Lau Kah Lin, Siti Nurhayati Zulkifli, Norliayana Kamaruddin dan Nurul Sarah Abdul Kadir.

Dua kedudukan teratas itu diikuti dengan Universiti Pendidikan Sultan Idris (UPSI) di tempat ketiga yang dianggotai oleh Siti Nadiah Mohd Isa, Lye Wei Wan, Nurul Amira Baharudin dan Nuradilah Sulleh, dengan masa 53.99s.

SUKIPT

Kedudukan

	E	P	G	J
UPM	45	21	20	86
UiTM	37	21	41	99
UniMAP	13	1	3	17
UTM	12	8	8	28
UM	10	11	14	35
USM	8	11	13	32
UTHM	6	5	0	11
UKM	6	3	3	12
KK Sabah	6	0	1	7
UPSI	5	9	8	22
UPNM	4	4	6	14
Taylor's	4	4	1	9
UUM	4	3	4	11
UIAM	3	11	9	23
INTI	3	7	0	10
PUO	3	6	8	17
Unimas	3	5	4	12
KK Pahang	3	5	4	12
KK Kedah	3	1	1	5
UniSA	2	6	7	15
Help	2	6	5	13
Segi	2	5	4	11
Unitar	2	3	1	6
KK Selangor	2	3	0	5
UniKL	2	0	3	5
Poi Merlimau	2	0	2	4
Uniten	2	0	2	4
UTP	1	3	2	6
KK P Pinang	1	2	3	6
Kolej Nilai	1	2	2	5